



UNIVERSITÄTS-  
BIBLIOTHEK  
PADERBORN

# **Valerii Andreae Desselii Erotemata Ivris Canonici**

**Andreas, Valerius**

**Francofurti & Lipsiae, 1720**

XIII. De torneamentis.

---

[urn:nbn:de:hbz:466:1-63277](https://nbn-resolving.org/urn:nbn:de:hbz:466:1-63277)

Simplex homicidium partim est volunta-  
 rium, quod aliquis sponte committit; par-  
 tim fortuitum seu casuale, quod aliquis præ-  
 ter suam voluntatem, casu aliquo perpetra-  
 vit. §. Homicidium voluntarium, si dolo  
 commissum sit, lege Cornelia de sicariis pu-  
 nitur; si culpa quamvis lata, tamen mitius  
 coercetur, nec ad legem Corneliam pertinet.  
*D. ad legem Cornel. de sicar. l. 4. §. 1. & l. 7.*  
 §. Homicidium casuale imputatur ei, qui cul-  
 pam admisit, eo quod operam dabat rei illi-  
 citæ, vel cum operam daret rei licitæ, non  
 omnem, quam potuit, diligentiam adhibuit.  
*l. 7. & 8.* §. Impune autem aliquis occidi-  
 tur ex justa causa, veluti si quis latronem ini-  
 miam interfecerit, cum aliter se tueri non  
 posset. *c. 2.*

### XIII. De torneamentis.

Non solum homicidium jure prohibetur,  
 sed etiam ea, per quæ ad homicidia per-  
 veniri solet. Hæc vero plura sunt. Primum  
 sunt torneamenta, id est, nundinæ vel feriæ,  
 in quibus milites ex condicto convenire so-  
 lent, & ad ostentationem virium suarum &  
 audaciæ temere congregari. *cap. 1.* unde non  
 solum occidens punitur, sed etiam occisus,  
 licet enim vulnerato concedatur poenitentia,  
 tamen, si moriatur, Ecclesiastica sepultura ca-  
 rebit, nisi casu sit occisus, cum non ludendi  
 causa ad torneamentum venerit.

### XIV.